



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Bibliotheca Pontificia

Jacob, Louis

Lvgdvni, 1643

N.

**urn:nbn:de:hbz:466:1-11153**

De scriptis Thomas VValdensis Carmelita, Ioannes Ekius, Coccius, Genebrardus, Possenuinus, Gualterus, Ioannes Merinus *in vita Constantini*, seu *historia Ecclesie*, Elzear Doraisson, Gallus *in Melchiade*, Coriolanus *in annot. ad Canones Apostol.* Gesneri *Bibliotheca*. Ludouicus Carbo *de sacris Script. in 3. p. D. Thoma*, cap. 32. *de Sacramentis in communi. de Baptismo & Confirmatione*, Franciscus Hallerius *in defensione Ecclesiastica Hierarchie*.

## N.

**S**ANCTVS NICOLAVS I. Romanus, Papa 107. anno 858. die 24. Aprilis creatus, scripsit

*Epistolas doctissimas*, quarum Baronius 82. citat ex Codicib. Nicolai Fabri, Parisini, & S. Mariæ super Minervam. Binius verò 91. tom. 6. *Concil.* Sexdecim dumtaxat prodierant Romæ apud Franciscum Priscianensem 1542. in fol. Parisiis 1616. Colonia, Lipsiæ & alibi. Quædam etiam leguntur *inter Epistolas* Hinemari Archiepiscopi Remensis à Ioanne Cordesio Lemouicensi Canonico, Lutetiæ apud Sebastianum Cramoisy 1615. in 4. editas.

*Refutationem aduersus decem calumnias Græcorum.* Extat tom. 6. *Concil.* & tom. 10. *Annal.* Baronij.

*Responsa ad consulta Bulgarorum.* Extant tom. 6. *Concil.* cum septem eius Conciliis, tom. 10. *Annal.* Baronij ann. 866. num. 7. & seqq. Prodierunt etiam Antuerpiæ apud Christophorum Plantinum studio Francisci Turriani S. I. Theologi insignis.

Eius *Decrèta* apud Gratianum, Ioannem Cochlæum, Carranzam, Iouerium, & alios Decretorum Collectores.

Obit anno 867. die 13. Nouembris: sepultus in Vaticano cum sequenti Epitaphio:

*Conditur hoc antro sacra substantia carnis  
Præsulis egregij Nicolai, dogmate sancto  
Qui fultit cunctis, mundumque repleuit & urbem.  
Intactis nituit membris, castoque pudore,  
Qua docuit verbis, actuque peregit opimè.*

*Sidere æ plenus mansit doctusque Sophia,  
Calorum claris quæ seruat regna triumphis,  
Vt regnet solijs procerum per secula natus.*

Sedit annos 9. mens. 2. & dies 20. Vacat Sedes mens. 1.  
& diem 1.

Eius vitam posteritati tradiderunt Anastasius Bibliothecarius, Platina, Onuphrius, Massonus, Ciaconius, Duchesnius, & alij *de Rom. Pontificum vitis.*

De eius scriptis Trithemius, Possevinus, Gesnerus, S. Antonius, Genebrardus, Adrianus II. Papa, Carolus & Lotharius Francorum Reges *in Epist. ad Nicolaum*, Hincmarus Remensis *ibid.* Aduentius Episcopus 41. Metensis *ibid.* Basilius Imperator *ibid.* Photius Patriarcha Constantinopolitanus *ibid.* Rotlandus Archiepiscopus 38. Arelatensis *ibid.* Rothaldus Episcopus 34. Sueffionensis *ibid.* Franco Episcopus 38. Leodiensis *ibid.* Odo Episcopus 32. Bellouarenensis *ibid.* Robertus Episcopus 23. Cenomanensis *ibid.* Ignatius Patriarcha Constantinopolitanus *ibid.* Hirmintruda & Teuperga Regina Gallia *ibid.* Vdalricus Episcopus Augustanus *aduersus Nicolai I. Epistolam*, scripsit *librum* 1. cuius argumentum est, quod sacrificulis coniuges interdixerit, ex V Vestheimero; sed reputatur fictitius apud Catholicos. Leo Papa IX. *in Epistola ad Principes Britannia*, Michael Monachus Presbyter, & Synzelus *in Encomio S. Ignatij Patriarcha*. Iustinianus Imperator *in Epist. ad Ioannem VII. Papam*. Aloysius Lipomanus Episcopus *in Caten. expositionum libri Geneseos*. Ciaconius *in Nicolao I.* Ioannes Eusebius S. I. *lib. Stromatum pag. 28.*

NICOLAUS II. antea Gerardus de Burgundia, Allobrox, aliis Gallus, Papa 154. anno 1059. die 3. Ianuarij Senis creatus, scripsit

*Epistolas varias*, quarum quædam leguntur apud Binium *tom. 7. Concil.* cum tribus eius Conciliis, Bignæum *tom. 3. Biblioth. Patrum*, Baronium *anno 1059. num. 78.* Papyrium Massonum *in sua Epistolarum Pontificiarum collectione.* Parisiis 1611 edita.

Eius *Decreta* apud Iuonem Carnotensem, Gratianum, Barbofam & alios.

Obit

Obiit Florentiæ anno 1061. v. Non. Iulij, sepultus in Cathedrali. Sedit annos 2. & mens. 6. Vacat Sedes mensibus ferè tribus.

De scriptis Petrus Cardinalis Damianus *in Epist. ad Nicolaum*. S. Eduuardus I. Angliæ Rex *ibid.* Geruasius Barbet Archiepiscopus 43. Remensis *ibid.* Ealredus Historigraphus Anglus *in Eduuardo III.* Guimundus Episcopus Auersanus *lib. de sacram. altaris.* Lanfrancus *lib. aduersus Berengarium.* Algerus Scholasticus Leodiensis *lib. de sacram.* Coccius *in Thesauro.* Coriolanus *pral. 10. summa Conciliorum pag. mihi 84.*

NICOLAVS III. antea Ioannes Caietanus Vrsinus, Romanus, Papa 187. anno 1277. die 25. Nouembris Viterbij creatus, & die 26. Decembris, Romæ in Basilica Vaticana coronatus, scripsit

*De electione dignitatum*, librum.  
*Registrique eius duo volumina* in Vaticano MSS. afferuantur.  
 Obiit Suriani prope Viterbium anno 1280. die 22. Augusti, sepultus tandem Romæ in Vaticano in sacello tituli B. Nicolai à se condito, tumulo marmoreo emblematis ornato.

Eius laudes celebrant Auctores Pontificij, & Ægidius Cardinalis Viterbiensis *in M. S. XX. Seculorum historia pagin. 173.*  
 De scriptis loquuntur Possuinus *in Apparatu.* Nomenclator Cardinalium Coccius *in Thesauro.* Ekus *de Primatu Petri.* Beyerlinck *lib. Apophthegm. Christ.* Vadingus *tom. 2. Annal. Min.* Cherubinus *in Bullario Magno.* Duchesnius *in eius vita.* Salmeron *tract. 69.* Andreas Victorellus *addit. ad vitam Nicolai III.*

NICOLAVS IV. antea Hieronymus Asculanus, Picenus, Ordinis Minorum, Papa 190. anno 1288. die 22. Februarij, creatus Romæ & 24. coronatus, scripsit

*In aliquot libros S. Scripturae Commentaria.*

*In Magistrum Sententiarum* lib. 4.

*Sermones de Sanctis* lib. 1.

*Sermones de tempore* lib. 1.

*Ad Patres Congregatos in Concilijs Generalibus Patavij* lib. 1.

*Summas varias.*

*Epistolarum volumina tria in Vaticano asseruantur. Nonnulli hæc volumina tribuunt Ioanni Asculano, sed correctius Hieronymo.*

*Varias Constitutiones Ecclesiasticas, & præsertim aduersus hæreticos; illa pro Benedictinis, prodiit Parisiis 1519. in 8. apud Iacobum le Messier.*

*Obiit anno 1292. die 4. Aprilis: sepultus in Basilica S. Mariæ Maioris cum sequenti Epitaphio sic à me collecto:*

*Nicolao IV. Asculano Piceno Pontifici Maximo, cum neglecto diu sepulchro ferè latuisset, Fr. Felix Perettus Cardinalis de Monte alio in ordinem & patriam pietate posuit.*

*Nicolaus IV. Ordinem Minorum professus, Philosophus & Theologus egregius, Constantinopolim à Gregorio X. missus, Græcos ad R. E. Communionem, Tartaros ad fidem reduxit, post S. Bonaventuram Generalis, sanctitate & doctrinâ, Ordinem propagauit. Nicolai III. Nuntius inter Francorum & Castellæ Reges pacem conciliauit. Sanctæ Pudentianæ Card. Legatus, Honorij IV. in Galliam Senatoriam P. R. dignitatem Sedis Apostolicæ restituit. Factus Pontifex Remp. sublati discordijs composuit, Christianos Principes sacro fœdere iunxit. Ptolemaidem copijs adiuuit, Flaminiam in Pontificis iterum ditionem redegit. Publicum in Montepesulano Gymnasium instituit. Probos & eruditos in cognatorum loco tantum habuit Lateranen. & hanc Basilicam structuris & opibus auxit. Tandem iustitia & religione orbem terra moderatus magna sanctitatis opinione. Obijt pridie Nonas Aprilis M. CC. XCII. Pont. sui ann. 5.*

*Hic tumulus tumulat humilem qui fascibus anctum,*

*Sic moriens statuit ossa manere sua.*

*Hunc Franciscus alit, cardo ut sit, almaque Petri,*

*Sedes magnificat, gratia Dei beat.*

*Quartus Papa fuit Nicolaus, Virginis adem*

*Hanc lapsam reficit sitq; vetusta noua.*

*Petrus Apostolicus ocium Franciscus alumnus*

*Protegit: Omnipotens, matre rogante, bect.*

*Sedit annos 4. mens. 1. & dies 14. Vacat Sedes annos 2. menses 3. & dies duos.*

De

De rebus gestis Lucas VVadingus in *Annalibus Minorum*.

De scriptis Franciscus Gonzaga in *Historia Seraphica*,  
Henricus Sedulius *ibid.* Marcus Vlyssiponenfis *ibid.* Bernar-  
dinus de Bessa *ibid.* Petrus Rodulphus *ibid.* Peregrinus Bo-  
noniensis *ibid.* Henricus VVillotus in *Atheis Franciscanis*,  
v. H. & N. Posseuinus in *Apparatu & in Bibl. selecta*. Trithe-  
mius, Ludouicus Carbo, Angelus Rocca in *Bibl. Theologica*.  
Rupipozeus in *Nomenclatura Cardinalium*. Bzouius in *Annal.*  
Spondanus *ibid.* S. Antoninus *ibid.* Duchetnius in *eius vita*.  
Cherubinius in *Bullario*. Rodicus *ibid.* Bibliotheca abbrevia-  
ta *Conradi Gesneri Lutherani*, Andreas Victorellus *addit. ad*  
*vitam Nicolai I V.* Eberhardus Archidiaconus Ratisponen-  
nensis in *Chronico*. Ioannes Paganus *lib. 3. Bibliotheca Pramon-*  
*stratensis.*

NICOLAUS V. antea Thomas Lucanus Sarzanus, alijs Se-  
rezanus, Lucensis, Papa 209. anno 1447. die 6. Martij crea-  
tus, & 29. eiusdem mensis ad gradus S. Petri in Vaticano  
coronatus, scripsit

*Epistolas doctissimas*; quarum vna ad Constantinum Pa-  
læologum Imperatorem Constantinopolitanum afferuatur  
MS. Græcè & Latine in Ducis Bauariæ Bbliotheca, ex *Ca-*  
*talogo Codicum Græcorum*, & Viennæ in illa Imperatoris, cum  
*versione Theodori Gazæ*. Vnam legi Belnis in Burgundia ad  
*Canonicos Belnenses*, nullius diœcesis, directam, cuius origi-  
nale afferuat D. D. L. P. Canonicus; eius Regestum affer-  
uatur MS. in Vaticano.

*Orationem habitam ad Cardinales post Eugenij IV. funus*, ex  
Victorello.

*Constitutiones Ecclesiasticas* in Collectione Romana, & Lit-  
teras Apostolicas tom. 8. *Concil. Binij*, & in *Bullarijs MSS.* in  
Vaticano.

Obiit anno 1455. die 24. Martij; sepultus in Vaticano cum  
sequenti Epitaphio, ab Ænea Syluio composito.

*Hic sita sunt quinti Nicolai Antistitis ossa,*

*Aurea qui dederat sæcula, Roma, tibi.*

*Consilio illustris, virtute illustrior omni,*

*Excoluit doctos, doctior ipse, viros.*

Abstulit

Abstulit errorem, quo schisma infecerat Urbem:  
 Restituit morès, mœnia, templa, domos.  
 Tum Bernardino statuit sua sacra Senensi:  
 Sancta Iubilæi tempora dum celebrat.  
 Cinxit honore caput Frederici coniugis aureo,  
 Res Italas arcto fœdere composuit.  
 Attica Romana complura volumina lingua  
 Prodidit. En tumulo fundite thura sacro.  
 Sedit annos 8. & dies 19. Vacat Sedes dies 15.  
 De laudibus Nicolai V. Nicolaus vel Franciscus Philel-  
 phus, Ioannetius Manetius, Pogius Brandolinus, Ladislaus  
 Rex Hungariæ, Aeneas Syluius, Guarinus Veronensis, Ioan-  
 nes Riudadellus, Ægidius Cardinalis Viterbiensis, Plati-  
 na & alij.  
 De scriptis Aeneas Syluius in *Epist. ad Nicolaum*. Georgius  
 Trapezuntius *ibid.* Leonardus Chiensis Mithylinæus Episco-  
 pus *ibid.* Franciscus Philolphus *ibid.* Isota Nouarolo, Virgo  
 nobilis Veronensis *ibid.* Antonius Possennus in *Apparatu sa-  
 cro v. N.* Laurentius Beyerlinck *lib. Apophthegm. Christ.* Bi-  
 bliotheca Gesneriana, Torquatus Perottus Episcopus Ame-  
 rinus, Andreas Victorellus Theologus *addit. ad vitam Nico-  
 lai V.* Ioannes de Anania *lib. de Iubileo*, Franciscus Ioannetus  
*in Nicolao V.* Iacobus Gretferus *aduersus Plessæum Calvinistam*,  
 Ioannes Cochlaus *lib. histor. Hussitarum*. Lucas VVadingus  
*tom. 5. Annalium Minorum*. Ioannes le Paige *lib. 3. Bibliotheca  
 Pramonstratensis.*

P  
 ANCTVS PASCHALIS I. Romanus, Monachus,  
 Papa 100. anno 817. die 27. vel 28. Ianuarij. creatus,  
 scripsit  
*Epistolas.* Extant in Vaticano *pluteo 3. num. 153.* & in alio  
 exemplari. Vide etiam Antonium Bossium *in historia S. Ci-  
 cilia*, &c.  
 Obiit Romæ anno 824. die 12. Martij, sepultus ex Ana-  
 stasio